

Bosna i Hercegovina  
Federacija Bosne i Hercegovine  
**KANTON SARAJEVO**  
Ministarstvo komunalne privrede i  
infrastrukture



Босна и Херцеговина  
Федерација Босне и Херцеговине  
**КАНТОН САРАЈЕВО**  
Министарство комуналне  
привреде и инфраструктуре

244  
FS 206

Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Communal Economy and  
Infrastructure

Broj: 27/01-05-33063-55/19  
Sarajevo, 28.11.2019.godine

## SKUPŠTINA KANTONA SARAJEVO


- OVDJE -

**Predmet:** Odgovor na zastupničko pitanje zastupnika Zvonka Marića, dostavlja se  
Veza vaš akt broj: 01-05-33063-55 od 27.09.2019. godine.

**Zastupnik Zvonko Marić** na 13. radnoj sjednici Skupštine Kantona Sarajevo, održanoj dana 25.09.2019. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa članovima 211. i 214. Poslovnika Skupštine Kantona Sarajevo, postavio je slijedeće **zastupničko pitanje:**

Molim Vladu Federacije BiH, Ministarstvo rudarstva, industrije i energetike FBiH, Vladu Kantona Sarajevo, Ministarstvo privrede KS, Ministarstvo komunalne privrede KS, BH Gas, KJKP Sarajevogas da mi dostave informaciju o sigurnosti snabdijevanja Kantona Sarajevo gasom u narednoj zimskoj sezoni 2019/2020 jer prema prošlogodišnjim izjavama g. Bećarevića i direktora BH Gasa g. Salkića kapaciteti jedinog gasovoda prema Kantonu Sarajevo su napadnuti gasifikacijom regije Bijeljina, CNG postrojenjem Zvornik i ostalim projektima. Ukoliko imam ispravne informacije gasifikacija Bijeljine se uskoro završava, o ostalim projektima koji utiču na snabdjevanje Kantona Sarajevo gasom nemam informacije, te stoga molim da mi se dostave detaljne informacije o ovom problemu, te ukoliko problemi iziskuju angažman Skupštine Kantona Sarajevo molim da nam predložite konkretne mjere koje bismo mogli poduzeti.

Zastupnik je pitanje dostavio u pisanoj formi, te nam je isto dostavljeno u prilogu s molbom da u skladu sa odredbama Poslovnika Skupštine Kantona Sarajevo ("Službene novine Kantona Sarajevo" broj 41/12 - Drugi novi prečišćeni tekst, 15/13 i 47/13, 47/15, 48/16) odgovore, u pisanom obliku, uputite predsjedavajućem Skupštine Kantona Sarajevo kako bi iste dostavili zastupniku Maariu, kao i ostalim zastupnicima Skupštine.



web: <http://mki.ks.gov.ba>  
e-mail: [mki@mki.ks.gov.ba](mailto:mki@mki.ks.gov.ba)  
Tel: + 387 (0) 33 562-086,  
Fax: + 387 (0) 33 562-177



Sarajevo, Reisa Džemaludina Čauševića 1

## ODGOVOR:

U vezi Vašeg postavljenog pitanja od mjeseca Septembra 2019. godine moramo Vas izvjestiti slijedeće:

Program rada Vlade Kantona Sarajevo, kao i Program rada Ministarstva komunalne privrede i infrastrukture predviđa razmatranje Informacije o pripremljenosti toplifikacionog sistema KJKP „Toplane – Sarajevo” d.o.o. Sarajevo za sezonu grijanja 2019/2020 godinu i Informacija o pripremljenosti KJKP „Sarajevogas” d.o.o. Sarajevo za sezonu grijanja – pogonska spremnost 2019/2020 godinu za područje Kantona Sarajevo i Informacija o pripremljenosti toplifikacionog sistema za sezonu grijanja 2019/2020 godinu Društva za proizvodnju i distribuciju energetskih medija BAGS ENERGOTEHNIKA d.d. Vogošća za područje Općine Vogošća.

Predmetni materijal je Vlada Kantona Sarajevo na 39. sjednici održanoj 26.09.2019 godine, razmatrala i donjela Zaključak kojim se prima na znanje između ostalog i Informacija o pripremljenosti KJKP "Sarajevogas" d.o.o. Sarajevo za sezonu grijanja – pogonska spremnost 2019/2020 godinu za područje Kantona Sarajevo. U predmetnoj Informaciji i dostavljenom materijalu KJKP "Sarajevogas" d.o.o. Sarajevo su uspješno realizovali planske aktivnosti i izvršene sve neophodne pripreme i doveli gasni sistem u punu pogonsku spremnost i tehnološku spremnost za tekuću sezonu grijanja 2019/2020 godine.

Kao rezime plana priprema za predstojeću sezonu grijanja 19/20 godinu izdvajaju uspješno realizovane sve aktivnosti:

- na pripremi gasnih mreža i priključaka su izvršene na kvalitetan način u cilju obezbjeđenja pouzdanog, bezbjednog, i sigurnog snabdijevanja svih kupaca prirodnim gasom u Kantonu Sarajevo,
- u sklopu održavanja i rekonstrukcije sistema katodne zaštite na čeličnom dijelu gasne mreže (PVP) provedene su sve planske aktivnosti u predviđenom roku,
- u sklopu održavanja postrojenja na gasnom sistemu koji će obezbijediti ispravan siguran i funkcionalan rad, odnosno punu pogonsku spremnost u nadolazećoj sezoni grijanja,
- na kontroli unutrašnjih gasnih instalacija, su izvršene na kvalitetan način i u skladu sa zahtjevima pune pogonske spremnosti,
- za kontinuiran i kvalitetan nadzor i upravljanje gasnim sistemom,
- u domenu zaštite od požara i zaštite na radu, u skladu sa zahtjevima relevantnih propisa zaštite od požara i zaštite na radu i pune pogonske spremnosti,
- informisanja i promocije prirodnog gasa, npr. dostavljen je letak "Prirodni gas – zaštita okoliša i energetska efikasnost", i "Uputa korisnicima prirodnog gasa"

Sve navedeno podrazumijeva i strateški pravac djelovanja ovog kantonalno javnog komunalno preduzeća pa će i u ovoj sezoni grijanja biti realizovane planskih aktivnosti na očuvanju dostignutog nivoa sigurnosti, bezbjednosti i zaštiti distributivnog gasnog sistema.

Paralelno sa navedenim aktivnostima na održavanju distributivnog gasnog sistema, KJKP "Sarajevogas" d.o.o. Sarajevo obavlja i druge poslovne aktivnosti u skladu sa Statutom (registracijom) preduzeća, poštujući zahtjeve Sisteme upravljanja kvalitetom prema zahtjevima standarda ISO 9001 :



web: <http://mki.ks.gov.ba>  
e-mail: [mki@mki.ks.gov.ba](mailto:mki@mki.ks.gov.ba)  
Tel: + 387 (0) 33 562-086,  
Fax: + 387 (0) 33 562-177



Sarajevo, Reisa Džemaludina Čauševića 1

2015 i Sistema okolinskog upravljanja prema zahtjevima standarda ISO 14001:2015, te Menadžmenta tehničke sigurnosti (TSM) prema zahtjevima njemačkog udruženja za gas i vodu – DVGW.

Istaćemo da je KJKP "Sarajevogas" prva firma u regionu koja posjeduje certifikat za upravljanje tehničkom sigurnošću – TSM, a distribucijom prirodnog gasa kao energenta, Preduzeće svakodnevno doprinosi poboljšanju kvaliteta zraka, životnih i radnih uslova stanovništva Kantona Sarajevo, te se na taj način obezbjeđuje ekonomičnost i po okolinu čista energetska rješenja.

U skladu sa godišnjim planom poslovanja, preduzeće je ispunilo sve neophodne kadrovske i materijalne pretpostavke i doveli gasni sistem u punu pogonsku i tehnološku spremnost. Planirane količine nabavke prirodnog gasa za sezonu grijanja u 2018/2019 godini su 120.810.000 Sm<sup>3</sup>.

Takoder važno je istaći i to da je u cilju uravnoteženja energetskog bilansa gasnog sistema Kantona Sarajevo, te poboljšanja upravljanja, održavanja i sigurnosti gasnog sistema, u toku je realizacija projekta uvezivanja prestena gansog pritiska p= 3(4) bar na području općine Hadžići, Novi grad, Vogoša i Centar kojim se stvaraju uslovi za razvoj distributivnih gasnih mreža u velikim ruralnim podrujima navedenih općina u kojima do sada nije bilo gasne mreže, a u kojima je evidentna velika ekspanzija izgradnje stambenih i poslovnih objekata, hotela i drugih sadržaja.

Ministarstvo komunalne privrede i infrastrukture Kantona Sarajevo je potpisalo Sporazum sa KJKP "Sarajevogasom" d.o.o. Sarajevo o subvencioniranju dijela računa za gas koji se odnose na povećanje cijene ovog energenta. Ovim je ispunjeno obećanje dato građanima Sarajeva da neće snositi troškove nastale povećanjem cijene gasa od strane Vlade Federacije Bosne i Hercegovine.

Važno je napomenuti da je Skupština Kantona Sarajevo na četvrtoj hitnoj sjednici održanoj dana 10.06.2019. godine, donijela Zaključak broj:01-05-23449-1/19 slijedećeg sadržaja citiramo: "Skupština Kantona Sarajevo i Vlada Kantona Sarajevo poziva Predstavnički dom Parlamenta Federacije BiH i Dom naroda Federacije BiH na održavanje hitne ili vanredne sjednice i traži stavljanje van snage Odluku br: 527/2019. od 25. aprila 2019. godine o davanju saglasnosti na veleprodajnu cijenu prirodnog gasa od strane Vlade Federacije BiH, objavljenu u "Službenim novinama Federacije BiH" 17. maja 2019. godine, sa primjenom od 01. maja 2019. godine" a sve u cilju sprečavanja nastajanja mogućih posljedica koje mogu nastupiti po građane Kantona Sarajeva u toku sezone grijanja 19/2020 godine.

Na pitanje sigurnosti snabdijevanja prirodnim gasom Federacije Bosne i Hercegovine, a posebno Kantona Sarajeva kao najznačajnijeg potrošača ovog energenta u Bosni i Hercegovini uglavnom se veže za:

1. Ugovor o transportu gasa preko teritorija Republike Srbije i BiH entiteta RS ,
2. Stanje postojećeg transportnog sistema u Bosne i Hercegovine, te planovima izgradnje nove transportne infrastrukture,
3. Zakonska rješenja u oblasti prirodnog gasa i odnosima sa Sekretarijatom Energetske zajednice prema Bosni i Hercegovini.



web: <http://mki.ks.gov.ba>  
e-mail: [mki@mki.ks.gov.ba](mailto:mki@mki.ks.gov.ba)  
Tel: + 387 (0) 33 562-086,  
Fax: + 387 (0) 33 562-177



Sarajevo, Reisa Džemaludina Čauševića 1

Na ova naprijed naveda pitanja, a sve u cilju postizanja stabilnosti i sigurnosti snabdijevanja prirodnim gasom Federacije Bosne i Hercegovine i države Bosne i Hercegovine, nadamo se da će te dobiti odgovor od nadležnih i odgovornih i to: Vlada FBiH, Federalno Ministarstvo rudarstva, industrije i energetike, Federalno Ministarstvo trgovine, Privredno društvo za proizvodnju i transport gasa BH - Gas d.o.o. Sarajevo, te nadležno državno Ministarstvo vanjske trgovine i ekonomskih Bosne i Hercegovine.

U prilogu Vam dostavljamo i Zaključak Vlade Kantona Sarajevo od 26.09.2019.godine.

S poštovanjem,

PRILOG:

- Kao u tekstu.



Dostavljeno:

1. Skupština Kantona Sarajevo, 2x
2. Stručna služba Vlade Kantona Sarajevo, na znanje
3. Evidencija,
4. a/a.



web: <http://mki.ks.gov.ba>  
e-mail: [mki@mki.ks.gov.ba](mailto:mki@mki.ks.gov.ba)  
Tel: + 387 (0) 33 562-086,  
Fax: + 387 (0) 33 562-177  
Sarajevo, Reisa Džemaludina Čauševića 1





Bosnia and Herzegovina  
Federation of Bosnia and Herzegovina

CANTON SARAJEVO  
Government

Broj: 02-05-34740-10/19  
Sarajevo, 26.09.2019. godine

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj: 36/14 – Novi prečišćeni tekst i 37/14 – Ispravka), Vlada Kantona Sarajevo na 39. sjednici održanoj 26.09.2019. godine, donijela je sljedeći

## ZAKLJUČAK

Prima se na znanje Informacija o pripremljenosti toplifikacionog sistema KJKP „TOPLANE – SARAJEVO” d.o.o. Sarajevo za sezonu grijanja 2019/2020 godinu i Informacija o pripremljenosti KJKP „SARAJEVOGAS” d.o.o. Sarajevo za sezonu grijanja – pogonska spremnost 2019/2020 godinu za područje Kanton Sarajevo i Informacija o pripremljenosti toplifikacionog sistema za sezonu grijanja 2019/2020, Društva za proizvodnju i distribuciju energetske medija BAGS ENERGOTEHNIKA d.d. Vogošća za područje Općine Vogošća.



Dostaviti:

1. Predsjedavajući Skupštine Kantona Sarajevo
2. Zamjenica predsjedavajućeg Skupštine Kantona Sarajevo, gđa. Danijela Kristić
3. Premijer Kantona Sarajevo
4. Ministarstvo komunalne privrede i infrastrukture Kantona Sarajevo
5. KJKP "TOPLANE - SARAJEVO" d.o.o. Sarajevo  
(putem Ministarstva komunalne privrede i infrastrukture Kantona Sarajevo)
6. KJKP "SARAJEVOGAS" d.o.o. Sarajevo  
(putem Ministarstva komunalne privrede i infrastrukture Kantona Sarajevo)
7. Društvo za proizvodnju i distribuciju energetske medija BAGS ENERGOTEHNIKA d.d. Vogošća (putem Ministarstva komunalne privrede i infrastrukture Kantona Sarajevo)
8. Evidencija
9. Arhiva



web: <http://vlada.ks.gov.ba>  
e-mail: [vlada@vlada.ks.gov.ba](mailto:vlada@vlada.ks.gov.ba)  
Tel: + 387(0)33 562-068, 562-070  
Fax: + 387(0)33 562-211  
Sarajevo, Reisa Džemaludina Čauševića 1

